

BOLSA DE COLABORACIÓN NO DEPARTAMENTO DIDÁCTICO DO MUSEO DE BELAS ARTES DA CORUÑA

A Asociación de Amigos do Museo de Belas Artes da Coruña convoca unha bolsa para colaborar co programa didáctico e de difusión do Museo de Belas Artes da Coruña.

O obxectivo desta beca é o coñecemento e a posta en práctica dalgúns dos labores propios do Departamento Didáctico do museo, o que inclúe a realización de visitas guiadas a centros escolares e asociacións, a participación na elaboración dos materiais didácticos e os modelos de visitas axeitadas aos diferentes niveis educativos, así como a colaboración no desenvolvemento de obradoiros e outras actividades didácticas organizadas polo mesmo

Os traballos, que deberán levarse a cabo nas dependencias do museo, contarán co asesoramento dos titores nomeados pola Asociación de Amigos, una vez elixidos entre o persoal técnico do centro

A bolsa poderase renovar ata un máximo de dous anos.

A concesión da bolsa no suporá ningún tipo de relación laboral entre a Asociación de Amigos do Museo, o Museo de Belas Artes ou a Administración á que este pertence e o/a beneficiario/a da mesma.

Información:

Asociación de Amigos do Museo de Belas Artes

C/ Zalaeta s/n 15002 A CORUÑA

Tel.: 881 881 700 / Fax: 881 881 702

amigosmbac@gmail.com

Requisitos:

- Ter obtida a licenciatura en Historia da Arte, Museoloxía, Humanidades ou titulación similar despois de 2006 (incluído)
- Estar a disposición para o disfrute da bolsa en exclusividade, e non percibir outra bolsa ou contrato remunerado durante o período de duración da mesma.

Valorarase:

- Cursos de xestión de patrimonio, museoloxía e acción cultural de museos, organizados exclusivamente por organismos públicos, universidades ou asociacións profesionais de museos
- Presentación de comunicacións en congresos e cursos de museoloxía
- Publicacións relacionadas con museoloxía, o Patrimonio e a Historia da Arte
- Experiencia no campo da educación e acción cultural en museos
- Capacidade de relación, iniciativa e traballo en equipo.

Duración: 9 meses incluídos no intervalo de tempo transcurso entre xaneiro e decembro de 2012 (cunha interrupción durante os meses de xullo e agosto), e cunha dedicación de 20 horas semanais, distribuídas de martes a venres, segundo o criterio establecido polos titores

Dotación económica: O importe será de 4.500,00 € brutos a pagar en nove entregas de 500,00 €. Así mesmo, a Asociación de Amigos formalizará un seguro de riscos de accidentes a nome do bolseiro

Documentación: Os interesados deberán presentar na sede da Asociación de Amigos (MUSEO DE BELAS ARTES C/ Zalaeta s/n 15002 A CORUÑA) antes do 30 de decembro de 2011 a seguinte documentación:

- curriculum actualizado e fotocopia dos méritos alegados
- fotocopia do DNI
- declaración expresa de non ter emprego remunerado nin gozar doutra bolsa ou axuda, calquera que fose esta, ou, no caso de o ter, un compromiso expreso de renunciar a el con anterioridade ao momento no que se outorguen as bolsas

Selección: A selección levarase a cabo mediante comisión de avaliación integrada por persoal do Museo de Belas Artes e membros da Xunta Directiva da Asociación de Amigos. O resultado da mesma estará a disposición dos aspirantes na sede da asociación a partir do 9 de xaneiro de 2012

Obrigas do bolseiro:

- Manifestar por escrito a aceptación da bolsa no prazo de 10 días a partir de data de concesión da mesma
- Compromiso de confidencialidade con respecto á información que sexa posta á disposición do bolseiro, ben sexa a través de documentos, informes ou similares, ben proveña do tratado en reunións de grupos de traballo
- Comunicar todas as alteracións que poidan xurdir co plan previsto
- Presentación dunha memoria ao remate da bolsa sobre o desenvolvemento do traballo

O incumprimento de calquera das cuestións reflectidas nas presentes bases significaría a perda ao dereito de participación nesta convocatoria ou, no seu caso, a anulación da adxudicación da bolsa. Neste caso, de terse aboado algunha cantidade ao bolseiro, a entidade poderá demandar o reintegro dos importes cobrados.

A participación nesta convocatoria implica a plena aceptación da totalidade das presentes bases